


Мергьяматлу, Регьимлу
Аллагьдин тIварцIелди!



АССАЛАМ

www.assalam.ru

НА ЛЕЗГИНСКОМ ЯЗЫКЕ

ДАГЪУСТАНДИН МУСУРМАНРИН ДИНДИН ИДАРАДИН ГАЗЕТ

№ 12 (115) декабрь 2008 г. / зу-ль-хижжа 1429 г. / Лезги чIалал вацра садра акъатзава. Къимет 15 манат

КАЛЕНДАРЬ

МУГЪАРРАМДИН ВАЦРАН ЛАЙИХЛУВИЛЕР

Шукур хъуй Аллагьдиз чун патал Регьимлу тир, Ада чун дуьз рекъеваз тухузва, чаз пак йикъар, варцар багъишзава. Къуй Аллагьди чаз гузвай сувабар ва няметар артухаррай, дугъриданни Ам гунагърилай гъил къачудайди ва Мергьяматлуди я.

Пайгъамбарди ﷺ лагъана: **"Рамазандин вацра хвейи сиверилай алатайла, виридалайни хъсан сивер Аллагьдин вацран, яни Мугъаррамдин вацранбур я, ферз купарилай алатайла виридалайни хъсан капI йифен капI я"**.

Пайгъамбарди ﷺ Мугъаррамдин вацраз Аллагьдин варз я лагъана тIвар ганва. Ида и вацран лайихлувал ва винизвал къалурзава.

Мугъаррамдин варз мусурман календардин сад лагъай варз я. Ам дявеяр авуниз, ивидин къисасар вахчуниз ва мсб. къадагъа авунвайкъудварцарикайсадя. Мугъаррамдин вацрахъ авай еке лайихлувилерикай Къуръанда ва Суннада лугъузва. Гъавилляй гъар са мусурман и вацра Аллагьдиз ибадат ийиз чалишмиш хъана кIанда. Чна и йисан сад лагъай варз гъикI къиле тухвайтIа, йисни вири гъакI фида. Имам Гъазалиди вичин "Игъяъ..." ктабда кхъизва хъи, эгер Мугъаррамдин варз ибадат ийиз акъудайтIа, а вацран берекат амай варцарални гъалтдайдак умуд кутуртIа жеда.

Муслималай (вичелай Аллагъ рази хъурай) атанвай гъакъикъи гъадисди малумарзава: **"Рамазандин вацралай алатайла, сив хуьдай виридалайни хъсан варз - Мугъаррамдин варз я"**. Табранидилай (вичелай Аллагъ рази хъурай) атанвай маса гъадисда лугъузва: **"Мугъаррамдин вацра са сив хъайитIани хвейи касдиз ам 30 сив хвейидай жеда"**. Мадни са гъадисда лугъузвайвал, Мугъаррамдин вацран хемис, жуьмя ва гъяд йикъарин сивер виридалайни сувабар къвезвайбур жеда.

Имам Нававиди (вичелай Аллагъ рази хъурай) вичин "Заваиду-р-равза" ктабда кхъизва: **"Виридалайни еке дережа авай варцарикай сив хуьниз виридалайни Мугъаррамдин варз хъсан я"**.

Мугъаррамдин вацра пак тир Ашурадин югъни ава.

Мугъаррамдин варз - тахсирар хиве къадай ва Аллагьдиз гзаф ибадат ийидай варз я, гъакI хъайила, гунагърилай гъил къачудай ва сувабар артухардай мумкинвал ахъаймир.

ТЕБРИК



Аллагъ-Тааладин тIвар рикIел алаз!

Гъурметлу вахар ва стхаяр!

Алимрин Советдин, Дагъустандин мусурманрин Диндин идарадин работникрин ва гъакIни къилди жуван патай за квез алуькнавай мусурмандин Цийи 1430 - йис мубаракзава.

Къуй и Цийи йис куьн патал хийирдин, гунагърикай миъи ва Аллагьдиз мукъва жедай йис хъурай! Къуй Аллагъ-Таалади куь вири хийирлу крар, гъа жергедай яз куь Гъажни къабулрай. Цинин йисуз Меккедиз зияратдал физ тахъайбуруз къуй Аллагьди къведай йисуз ихътин мумкинвал гурай.

Инсандиз вичин уьмуьрда дегишвилер са гъихътин ятIани вакъиадихъ галаз алакъалу авун хас я. Къуй алуькнавай йис чун патал хийирлу крар башламишдай ва Аллагъ-Тааладиз рикIин сидкъидай ибадат ийидай йис хъурай.

Къуй гунагъ крар алатай девирда амуькрай! Къуй Аллагъ-Таалади квез кIеви иман гурай ва квез куь хийирлу крара агалкъунар хъурай!

Агъмад-гъажи АБДУЛАЕВ,
Дагъустандин Муфтий

ИСЛАМДИН АЛИМАР

Агълу-с-Суннадин алимар

Са несиддилай маса несиддал
агакъарзавай чирвилер гвайбур

Абубакр Дациев,
Къизилюрт райондин Гельбах хуьруьн
мискидин имам

Аллагьдин Векилди ﷺ лагъана: **"За квез къве затI туна: Аллагьдин Ктаб (Къуръан) ва зи сунна (Пайгъамбардин къайда, адет рехъ). Эгер куьне абурал амал ийиз хъайитIа, куьн гъакъикъ-атдивай къакъатдач"**. Дуьз рекъелай алатайбуру гъа и гъадис мисал хъиз гъизва ва абурати фикирзава хъи, ам суфизмдин гъалатI тестикъарзавай делил я. Гуя гъадисда кхъенва, чна суфизмдал ваъ, Къуръандални суннадал амал авун лазим я. Чпин авамвилляй абурати чизвач хъи, и гъадис суфизмдиз ваъ, адакай чIурукIа фикирзавайбуруз акси я.



Ас-Салам-фото

Къуръандал ва суннадал амал авун лазим тирдал чун садни шаклу туш, амма суал арадал къвезва: Аллагьдин Векил ﷺ и дуьньядай фейидалай гуьгъуьниз 14 асир алатнава.

» 5

Гъурметлу газет кIелзавайбур!

«Ассалам» газетдин коллектив санал гъаждал финиз килигна куь гъиле авай декабрдин 12- нумра январдиз акъуднава.

Гъаниз килигна, чна квевай, ам вахтунда акъудиз тахъунай багъишламишун тIалабзава.

НУМРАДА:

4 Тавассул – Аллагьдихъ ял вар авун



6 Фалчийрин чIалахъ хъун дуьз яни?



7 Эдебият



РАМАЗАНДИН ВАЦРА ХВЕЙИ СИВЕРИЛАЙ АЛАТАЙЛА, ВИРИДАЛАЙНИ ХЪСАН СИВЕР АПЛАГЪДИН ВАЦРАН, ЯНИ МУГЪАРРАМДИН ВАЦРАНБУР Я, ФЕРЗ КУПИАРИЛАЙ АЛАТАЙЛА ВИРИДАЛАЙНИ ХЪСАН КАПИ ЙИФЕН КАПИ Я

Гъадис

Исламдин жавагъирар

Дуъз рекъин эвел

Имам Ал-Гъазали

Эвел - алатай нумрайра

Алукъзавай куплариз гъазур хъунин эдеблувал

Нисин жедалди вун нисинин куплуниз гъазур хъун лазим я, амма йифиз ибадат авун патал ваз къарагъиз ва я йифди уяхвал ийидай фикир аватла, и капл ийидалди вилик са вил ахвар ая. Гъикл сугъур (сив хуьдайла экв жедалди незвай тлуьн) йикъан сив хуьниз куьмек ятла, гъакл йикъан ахвар йифен къарагъуниз куьмек я. Эгер юкъуз ксана, йифиз уяхвал тавуртла, им сугъур тлуьна, юкъуз сив къан тийизвайдан амалдиз ухшар я. Нисин капл алукъдалди ахварикай уях жез алахъ, ахпа дастамаз къачуна мискиндиниз алад, мискинда тагъийат-капл авуна, азан гудалди гувълемиша, азанчиди эвер гудайла, адаз жавабар це. Нисинин ферз капл ийидалди, къуд къилин капл ая (къве къил, къве къил), Расуллагъди ﷺ и капл яръгалди тамамардай ва лугъудай: «И вахт ахътинди я хъи, и члавуз цаварин къапуяр ачух жезва ва заз кланзава зи хъсан амал и вахтунда цавариз хжаж хъана».

Нисинин ферз куплуниз вилик ийизвай и къуд къилин капл, къин тестикъ хъанвай суьннет я (суннатун муакъад). Хабар гузва: «Ни и къуд къил бегъемардайла куплуна вичин къил агъузунин икрамар ва саждаяр хъсанвилелди ийиз хъайитла, адахъ галаз и капл пудкъанни цлуд агъзур малаикди тамамарда ва абуру Аллагъдивай адаз багъишламишун тлаабда йиф жедалди».

Ахпа имамдихъ галаз ферз капл бегъемара, адалай гуьгъуьниз къве къил суьннет капл хъия. Рагъдандин куплуниз вахт алукъдалди, анжах илим чирунал, мусурманриз куьмек гунал, Къуръан клелунал, жуван дин хуьн патал яшайишдин такъатар къазанмишунал машгул хъухъ. Рагъдандин куплун вилик къуд къилин капл ая, и къуд къил авун якъин тестикъ хъанвай суьннет я. Расуллагъди ﷺ лагъана: «Регъим авурай Аллагъди рагъдандин куплуниз вилик къуд къилин капл авурдаз». Ахпа Пайгъамбарди ﷺ ийидай дуьаяр клелиз чалишмиш хъухъ, рагъдандин куплунилай гувъгъуьниз, адалай вилик квел вун машгул тиртла, гъа машгулат давамара. Ви азад вахт квел клантлани машгул яз ва я гъикл клантлани акъатуй лугъуз кечирмишун лазим къведач, аксина, жув-жуван гуьчживилик кутун лазим я, юкъуз ва йифиз вун тамамарна кланзавай вирдар ва везифаяр тартибда тун, гъар са кардиз ам бегъемарна кланзавай вахт тайинарун, ахпа вун тайинарнавай къайда члур тавуна, са кваллах къерех ийиз ва маса кар хъсан яз гъисабиз, жуван везифаяр бегъемарун герек я. Анжах ик авурла, ви вахтуна берекат пайда жеда. Эгер вун ви вахт метлебуз ва гъаваян акъудиз хъайитла, вун вуч ийидатла чин тийиз, чпин члехи пай вахт телеф ийизвай гъайванриз ухшар жеда.

Ви вахт ви уьмуьр я, уьмуьр лагъайтла ви малмулк я, адалди вун алвер авуна Аллагъ-Тааладиз мукъавал, эбеди кваллин хушбахтвал ва лезет къазанмишзава. Гъар са ви нефес къачун жавагъир я, адаз я къимет авач, я эвез, нефес акъатайла, адаз элкъуьн амач. Чпин уьмуьрар куьруь хъунизни килиг тавуна, гъар юкъуз чпин девлетар артух хъуниз шадвал ийиз, ягъалмиш жезвай ахмакърин жергеда жемир. Вуч файда ава артух жезвай девлетда, уьмуьр куьруь жезвайла? Артух жезвай илимлувилелай ва хъсан ви амалдилай гъейри са куьналди шад жемир, ви хизандикай, веледдикай ва дустарикай вун

къакъатайла, анжах абур вахъ галаз сура жедай ви юлдашар я.

Ракъинин ранг хъипи хъана, рагъ аклидалди мискиндиниз хквез алахъ ва ина теспягъ члугунал, Аллагъдивай валай гъил къачун тлалабунал машгул хъухъ. И вахтунин лайихлувал, рагъ экъечдалди вилик галай вахтуна авай лайихлувал хътинди я.

Рагъ эклидалди Къуръандин 91- суьре «Рагъ», 92- суьре «Йиф», ва эхиримжи къве суьре: «Аль-Фалакъ» ва «Ан-Нас» суьреяр клела.

Рагъ аклидай вахт Аллагъдивай ваз ви гунагъар багъишламишун тлалабиз акъуд, азандин ван хъайила, адаз жавабар це, ам гана куьтягъ хъайила и дуьа ая:

«Аллагъумма инни асалука 'инда икъбали лейлика ва идбари нагъарика ва хлудури саятика ва асвати дуглатика ан туьтия Мухламмадан ал-василата ва-л-фадилата ва-ш-шарафа ва-д-дараджата-р-рафиглата ва-бгласгу-ль-макъама-ль-махлуда-л-лязи вагладтагъу, иннака ля тухлифу-ль-миглад».

И дуьа виликни ганва, ахпа азандиз ва икъаматдиз жавабар гана, ферз капл ая, адалай гуьгъуьниз ихтилатрик экечна вун рахадалди, и ферз куплунилай къулухъ къвезвай къве къилин суьннет капл бегъемара, ибурулайни гуьгъуьниз мад къуд къилин капл вун яргъи ийиз авуртла, гъамни суьннет я. Ваз мумкинвал аватла, месин капл ийидалди, иьтикаф ийидай ният авуна, хушунин ва месин купларин арада авай вахт куплар ийиз акъуд. Хабар гузва, и куплуниз, ам тахсирар хиве къазвайбурун суьннет я (аввабинрин капл), лайихлувилин зурба къимет гъисабиз жедач, адалди алукъзавай йиф къаршиламишун хъсан я.

Расуллагъдивай ﷺ Аллагъдин и гафарикай (мана): **«Абуру чпин къвалар месерикай яргъа ийизва»** (Къуръан, 32-16) хабар къурла, ада жаваб гана: **«Им хушунинни йифен купларин арада ийизвай капл я, ада юкъуз авур буш гафар квадарзава ва адан (йикъан) эхир гуьнгъуьна хутазва».**

Месин капл ийидай вахт алукъайла, азандинни икъаматдин арада, ферз куплуниз вилик, къуд къилин капл ая, и кардин лайихлувал зурба я. Хабар гузва: «Азандинни икъаматдин арада авунвай дуьа жаваб тагана элкъуьрдач». Гуьгъуьнлай месин ферз капл ая, ахпа идалай къулухъ къвезвай къве къилин суьннет капл бегъемара, абур тамамардайла «Алиф, лям, мим» (суьре «ас-Сажда», Къуръан, 32), «Табарака» (суьре «ал-Мулку», Къуръан, 67) ва я «Ясин» (Къуръан, 36) ва «ад-Духла» (Къуръан, 44) суьреяр клела, абур клелунин хъсанвал Пайгъамбардилай ﷺ чешне яз къалурнава. И къве къилин суьннет капл авурдалай къулухъ, мад къуд къилин капл хъия, абур авунин лайихлувал еке тирди хабар гузва, и къуд къилин капл тамамарайла, пуд къилин витр-капл бегъемара. Ам къве ва я са салам гуналди акъалтлара, Расуллагъди ﷺ витр-куплуна «ал-Агла» сура (Къуръан, 87), «ал-Кафирун» сура, (Къуръан, 109), «ал-Ихляс», «ал-Фалакъ», «ан-Нас» (Къуръан, 112-114) клелдай.

Эгер вун йиф ибадат патал уяхвал ийиз акъудиз кьет авунватла, витридин капл йифен эхиримжи ви капл жедайвал ая. Ахпа ви илимлувал артухара ва я диндин ктабар клелиз эгечл.

Ксудалди вилик машгулатар ва къугъунар ви крарин эхир тахъуй, вучиз лагъайтла йикъан амалдин нетижа эхиримжи крари тайинарзава

**Къатл ама
Араб члалай таржума авурди
Тажуддин-гъажи КЪАЗИБЕГОВ Я**

Исламдин къадагъаяр

Исламда фалчивал

Мусурманар алдатмишунин технологияр

Адам РАСУЛОВ

Эвел – 10- нумрада

Къе фалчи жагъурун виридалайни регъят кар я. Рекламаяр гузвай гъи газет хъайитлани ачуха. Анай квез жегъидай гафар: «Запабар алудзава, тел...»; «Къадаркъисмет гъихътинди жедалди лугъузва, тел...» гъа икл мад.

Гъайиф хъи, къенин и секинсуз уьмуьрда, Аллагъдилай гъейри мад зурбавал ва къуватлувал риклелай алудна фалчийрихъ ягъазва. Чпи инсан вири бедбахтвилерикай азад ийидай лугъуз гъаф къадар фалчийри ва килигдай-буру инсанар алцуларзава.

рамзадавал я. Гъи фалчи къуртлани, эгер адавай хъсандаказ тлаабна хъайитла, неинки чарарай ва я гъилий, гъакл куь чинай, биришрай, вилерай, рацамрай ва гъакл яларайни галаз квез «килиг хъийида».

Гъайиф хъи, силис тухудай органри и рекъяй гъарамзадайрин статистика тухузвач. Эгер гекъиг авуртла, ихътин нетижайрал къвезва.

1995-йисан эхирдал къведалди тек са Москвада «обществодин хийирдиз» вад агъзурдив агакъна гъар жуьредин фалчийри кваллахзавай. И арада Дагъустанни акъван гуьгъуьна акъваз тавун мумкин я, инани чарадан жибин-



Ас-Салам-фото

Исламдин гъакъиндай авамвили инсанар фалчийрин патав гъизва. Четин вакъияй-ра анжах Аллагъдик умуд кутуна кланда ва риклин сидкъидай Адавай четинвилерикай азадун тлаабна кланда. Умуьрдин месэлайрин ва маса суалар гъаз имамрин, алимрин ва исламдин алимрин патав атана кланда. Ахътин вакъияй-ра абурулай гъейри гъич садавайни куь суалриз жавабар гуз ва квез меслят къалуриз жедач.

Гъакъван регъятдаказ чаралди тапарарзавай ва гъилел алай гъар са цлар хуралай чизвай фалчидиз вичи лугъузвай гафар тапанбур тирди чизва эхир. Гъакл ятлани адаз ам регъятдаказ фу недай рехъ я. Фалчивал адан кваллах я, гъа-

дай регъятдаказ фу нез кланзавайбурун къадар са къве вишелай тлимил тушир жеда.

Статистика

Вири фалчийр са шумуд группадиз пай жезва: куьчейринбур, квалле килигзавайбур, салонринбур ва реклама тийиз гъакл сада-садаз меслят къалурзавайбур.

Куьчейрин фалчи – абурун къадар 1-2% я – йикъа 3-12 клиент жезва, абурукай гъар сада са сенсдай 75-дилай 300 агакъна пул къачузва. Квалле ва салонра кваллахзавай фалчийриз 2-далай 8-далди клиентар жезва. Инин къиметарни 500-7000 манатдив агакъзава.

» 6

Гъадис
АЛЛАГЪ КУЪ АКУНРИЗ КИЛИГЗАВАЧ, АЛЛАГЪ КУЪ РИКІЕРИЗНИ КРАРИЗ КИЛИГЗАВА

ЧИР ХЪУН ХЪСАН Я

Къурамугъаммад-гъажи
РАМАЗАНОВ

Вагъабитар вуч ксар я?

Аллагъ-Тааладихъ галаз алакъалу месэлаяр

Эвел – 10-нумрада

1.Суал: «Аллагъ», «Аллагъ» лугъуз зикир ийидай ихтияр авани?

Жаваб: Ихтиярни ава ва гъа икI авунани кIанда. ЯКъуръанди, я Суннади и кар къадагъа ийизвач. Акси яз, Къуръандани гъадисра и кардин важиблувал къалурзавай чкаяр гзаф ава. Аллагъ-Таалади Къуръанда лугъуза (мана):

«**Вуна Аллагъ жуван къеняй рикел гъаш**».

Гъа и аятдин эхирда кхъенва (мана): «**Вун Аллагъ рикелай алатайбурун жергедай жемир**» («Аль-Аграф сура, 205- аят).

Винидихъ ганвай аятри чаз Аллагъ рикел гъуниз ва Ам рикелай алуд тавуниз эверзава.

Ибурулай гъейрини Пак Къуръанда Аллагъ рикел гъун (зикир авун) чарасуз тирди лап ачухдиз къалурзавай аятни ава (мана): «**Вуна ви Реббидин Твар рикел гъаш ва таммидиз гъадахъ элкьюъгъ**» («Аль-Музаммил сура, 8- аят).

ГъакIни Пак Къуръанда ихътин мана авай аят ава:

«**Вуна ви Ребби экуънахъ-айни няхъай рикел гъаш**» («Аль-Инсан сура, 25- аят).

И къве аятдай зикир авунин буйругъ авайди ашкара жезва.

Гъа ихътин мана авай аятар Къуръанда мадни ава. 30 томдикай ибарат тир тафсирдин автор Фахруддин ар-Разиди кхъизвайвал, «Аллагъ», «Аллагъ» лугъуз зикир «Ля илягъа илля Ллагъ» зикирдилайти багъа я.

Имам Муслималай атанвай гъакъикъи гъадисда лагъанва: «**Чилел «Аллагъ», «Аллагъ» лугъудай кас амай къван Къияматдин югъ алукуъдач**»

Гила суал арадал къвезва – вучиз Аллагъдин твар рикел гъидай, яни зикир ийидай ихтияр авач? Винидихъ гъанвай аятрай «ихтияр авач» лугъуз-вайбурун делилар бизнесузбур тирди аквазва. Гъа иниз килигнаНакъшбандидинТарикъатдин шейхери чпин мюридриз мукъвал-мукъвал «Аллагъ», «Аллагъ» зикир авун тапшурмишзава.

2.Суал: Са бязи инсанар пайда хъанва. Абуру сир (гъар са шейинихъ вичин сир ава) Аллагъдила гъейри маса ксаризни якъин жеда лугъузвайбур куфрдиз аватзава лугъуз тестикъарзава. Абуру гъахъ яни?

Жаваб: Ваъ, гъахъ туш. Аллагъдин къадар авачиз гъич садавайни «аз сирдикай хабар ава» лугъуз жедач. Эгер Аллагъдиз кIан тахъайтIа, инсандин неинки сирлу шейэрай, гъакI якъин шейэрайни къил акъатдач. Эгер са касди пайгъамбарриз, шейхериз гъатта Аллагъдин къадардалдини сирдикай хабар жедач лугъузватIа, ам вич куфрдиз аватзава. Аллагъди вичин пайгъамбарриз, авлияйриз Вичин сирдикай хабар гудани лагъай суалдиз са жаваб ава – эхъ, гуда.

Мугъаммад Пайгъамбарди мукъвал-мукъвал жезмай крарикай хабар гудай. Ада хабар гайи вири крар къилизни акъатна. Ихътин крарикай Ибн аль-Касиран «Аль-бидая ва-н-нигъая» ктабда (6- томдин 560-638- чинриз килиг) бегъемдиз ихтилат авунва. Ина 70 - чина Пайгъамбарди гъеле хъезмай крарикай кхъенва. Ада

абур гъикI лагъанватIа, гъакI хъунни авунва.

Имам Муслима Гъузайфадила чал са гъадис агакъарнава. Ана ихътин гафар ава: «Аллагъ-Таалади зи вилик вири Алем ицигна. Къияматдин ийкъалди вуч жедагъа аз вири аквазва. Заз им зи кек гъикI аквазватIа, гъакI аквазва».

Аллагъдин Вичин сирдикай гъакIни хъсан ксариз, шейхериз, авлияйризни хабар гузва. Ингъе абурукай са бязибур.

Пайгъамбардин мукъвал-мукъвал асгъаб Абу Бакра мукъвал-мукъвал вич рекъидалди вилик чпиз са руш жедай-дакай хабар ганай. ГъакI хъунни авунай. Умар-асгъабдиз мукъвал-мукъвал вичивай са вацра атIудай рекъин яргъа авай душмандихъ галаз женгина авай Сарият акунай. Ада «Я Сарият, вун дагъдив агат, дагъдив агат» лагъана гъарайнай. Гъа икI, Аллагъ-Таалади Умар-асгъабдиз мукъвал-мукъвал са вацра атIудай рекъин мензилда авай шикилар къалурнай. Сариятаз Умар-асгъабдин мукъвал-мукъвал ван атанай, гъаниз килигна ам душмандал гъалиб хъанай.

Ихътин мисалар мадни-мадни гъиз жеда, анжах и карда чарасузвал авач. Дуъз рекъелай алатнавай инсанри Къуръандин сир анжах Аллагъдиз чида лугъузвай мана авай аят гъизва. Анжах ам абуру эхирдал къван гъизвач. Ана Пайгъамбар хътин ксариз Аллагъди Вичин сир ачухда лагъана кхъенва. («Аль-Джин» сура, 27- аят).

3.Суал: Эхиримжи вахтара вагъабитри чапзавай аудио ва видеоматериалра Аллагъ Аршда ава, Ам анал ацукънава, Аллагъ-Тааладихъ беден ава лугъудай гафар гъалтзава. Чпин гафариз къуват яз, абуру Къуръандин аятар ва Пайгъамбардин гъадисар гъизва. Ихътин гафар исламдихъ галаз къадайбур яни?

Жаваб: Ваъ, къадайбур туш. Вичихъ яргъивал, гъаркъуъвал ва чехивал хъуналди лишанламиш жедай гъакъикъат, яни пространство ва вахт Аллагъди Вичи халкънавай шейэрин атрибутар (лишанар) я. Ни и атрибутар Аллагъдизни хас я лугъуз тестикъарзаватIа, гъада Аллагъ Ада халкънавай шейэриз тешпигъ ийизва. Къуръанда кхъенва (мана):

«**Адаз тешпигъ авай гъич са шейни авач, Ам виридан ван къвезвайди ва вири аквазвайди я**» («Аш-Шура» сура, 11- аят).

И аятди Аллагъ Аршда ава, Ам анал ацукънава, Аллагъ-Тааладихъ беден ава лугъудай гафарихъ бине авачирди тестикъарзава.

И месэладиз логикадин баян гуз чалишмиш жен. Чилин шар элкъвейди тирди ва ада вичин гигинлай суткада са сеферда элкъвезвайди виридаз малум я. Эгер са ни ятIани пакамахъ Аллагъ инал ала лугъуз тестикъарзаватIа, няхихъ чил элкъуън себеб яз ам маса чкадал хъана кIанзава, яни экуънахъ «Аллагъ гъинал ала?» суалдиз цав къалурайтIа, няхихъ, и суал вугайла, чил къалурна


кIан жезва. Эгер Кеферпата, Киблепата, РагъэкъечIдай ва Рагъакидай патара авайбурув и суал вугана ва абуру вирида цав къалурайтIа, абурун жавабар сад садаз аксибур жеда.

Эгер са касди и карда чаз логика герек авач, адан гъакъиндай Къуръандани гъадисда талукъдиз лагъанва лагъайтIа, а касдиз жаваб гуз жеда: Шариат, Къуръан, гъадисар гъахъ тирди логикадин куъмекдалди чир хъаначни бес? Эгер логикадин делилар инкар авуртIа, чна Шариат, Къуръан, гъадисар инкар авур мисал жезва.

Эгер чеб гафба-гаф таржума авурла, «Аллагъ Аршда ава, Ам винел ала, Адахъ беден ава» лугъуз тестикъарзавай сураярни гъадисар гъикI хъуй лугъудай суалдиз къве жаваб ава. «Аллагъ Аршда ава, Цаварал ала» лугъузвай аятрихъни гъадисрихъ галаз сад хъиз, Ам Чилерал ала, ва я маса чкада ава лугъуз кхъизвай аятарни гъадисар ава. Мисалар гъин.

Къуръанда, чеб гафба-гаф таржума авурла, ихътин манадин аятар ава:

«**Ам (Аллагъ) цаварални чилерал ала**» («Аль-Ангам» сура, 3-аят).



«**Ам (Аллагъ) куън гъина аваз хъайитIани квехъ гала**» («Аль-Гъадид» сура, 4-аят).

«**Зун (Аллагъ) адав вичин гардандин хуси ивидин дамардила мукъва я**» («Аль-Къаф» сура, 16-аят).

ГъакIни гъакъикъи гъадисрикай сада лугъуза: «**Дугъриданни, куъне капI ийидайла Аллагъ куъ вилик ква, гъаниз килигна куъне куъ вилик тфуяр гадармир**». И гъадис чал Бухариди, Муслима ва Абу-Давуда агакъарнава.

Гила суал арадал къвезва – чна и аятар инкар ийидани ва я чна абурал амал ийидани? Жаваб ихътинди жеда – и аятарни гъадисар инкар авуна виже къведач, гъа идахъни къве себеб ава.

Сад лагъайди, и аятриз муташаб-бигъатар (иносказательные) лугъуда, абурун гъакъикъи мана анжах Аллагъдиз Вичиз хъсан чида.

Къвед лагъайди, и аятарни гъадисар гафба-гаф таржума авуна виже къведач, абур куъчуърмишнавай манадинбур (переносное значение) я. Идаз араб чIала маджаз лугъуда.

Месела, лезги чIала «Руъгъ дабандиз фена» лугъуда. Руъгъ дабандиз аватзавайди туш, кичIе я жезвайди. Мадни, лезги чIала жумартдикай рахадайла, адан гъил ачухди я лугъуда, хъсан хъилихдин инсандиз адан рикI ачухди я лугъуда.

Маджаздикай рахадайла, ихътин са агъвалат рикел хкин. Ам Къуръанда маджаз авайди инкар ийизвайбурукай сад, вич алай вахтунда рагъметдиз фенвай Саудовский Аравиядин виликан муфтий Абдулазиз бин Базахъ галаз алакъалу я.

Вичин хутIбайрикай сада, Къуръанда маджаз авач лугъуз тестикъардайла, Сириядай атанвай са алимди ам акъвазарна Къуръандай ихътин манадин са аят гъана:

«**Вуж и дуньяда буъркъуъ ятIа, ам агъа дуньядани буъркъуъди ва рекъелай алатнавайди жеда**» («аль-Исраъ» сура, 72- аят).

Виридаз Абдулазиз бин Баз буъркъуъди тирди чизвай. Вич-вичивай квахъай Базавай гъич са гафни лугъуз хъаначир.

Къуръандани маджаз ава. Амма дуъз рекъелай алатнавайбуру и кар хиве къзвач. Абуру Къуръандин аятар гъикI кхъенватIа, абурун гъавурдани гъакI акъуна кIанда лугъуз тестикъарзава.

КъатI ама

ПАЙГЪАМБАРДИН СУННАДАЙ

Мугъаммад МУСЛИМОВ,
ДИУ-дин преподаватель

Алай девирда тавассул (посредничество) ширк ва ам ийизвай мусурманар бутпересар я лугъудай инсанар гзаф гьалтзава. Гъа са вахтунда абуру тавассул ийизвай мусурманар джагъилиядин девирда бутриз ибадат ийизвайбурухъ галаз гекъигзава.

Гуя гъабурони бутрин куьмекдалди, яни гъабурон арачивал аваз Аллагъдихъ ялвар ийизвай. Гъа и себебдалди ислам ахътин кардиз акси язни экъечнай. Гила, тикрарзава абуру, алай вахтунда тавассул ийизвай мусурманрихъни галаз женг члугуна кянда, вучиз лагъайтла тавассул – арада маса кас аваз Аллагъдихъ ялвар авун лагъай члал я.

Гъакъикъатда лагъайтла, тавассул Аллагъдив мукъва жедай рекъерикай сад я. Вучиз абуру ахътин тавассул бутпересвиликъ галаз гекъигзава ва адахъ галаз сад ийизва? Вучиз лагъайтла абурухъ ислам диндикай чирвилер авач. Абуруз джагъилиядин девирдин бутпересрин ва алай девирдин мусурманри ийизвай крарин арада авай фаркъ акъазвач.

Тавассул – им маса касдин куьмекдалди, Аллагъдин Вичин гуьзел твараралди ва я жуван хъсан амалралди Аллагъдихъ ялвар авун лагъай члал я. Месела: «Я Аллагъ, мергъяматлувилин Пайгъамбар Мугъаммадан куьмекдалди за Вавай тлалабзава» ва я «Ви гуьзел тлараралди чна Вавай тлалабзава...».

Са бязибуру тавассул ширк я лугъунин бине Къуръандай жагъуриз чалишмишвилер ийизва. Месела, абуру, тавассулдикай рахадайла, Аллагъ-Таалади бутпересриз ракъурнавай аятар гъизва. Абуру мусурманриз талукъбуру я лугъуз тестикъарзава. Ингъе «Аз-Зумар» суьредин 4- аят. Ана кхъенва (мана): «Адалай (Аллагъдила) гъейри масабуркай чпиз арха кунвайбуру лугъузза: «Чна абуруз (бутриз) чун Аллагъдив жезамай кван мукъув авун патал ибадат ийизва». Ингъе бутпересрини ийизвайди тавассул тир, Аллагъди абуру негъзава. Гъаниз килигна абурухъ галаз женг члугвадай, абурун эменни жуван нефсиниз къачудай ихтияр ава. Гилан мусурманрини, лугъузза абуру, ийизвайди гъахътин тавассул я. Гъабурухъни галаз женг тухвана кянда.

Аллагъдин куьмекдалди чун и кардай кыл акъудиз чалишмиш жеда.

Винидихъ ганвай аятда ихтилат мушрикри чеб Аллагъдив мукъув авун патал бутриз ибадат авуникай физва. Мусурманри лагъайтла, тавассул ийиз касдиз ибадат ийизвач. Гъа им мусурманринин бутпересрин арада авай фаркъ я.

Пак Къуръандин «Юсуф» суьредин 97-98- аятра чал ихътин гафар гьалтзава (мана): «Буба! Вуна чи гунагърилай гьил къачу. Дугъриданни, чун гунагъкартир». Ада лагъана: «Зази Худадивай

ТАВАССУЛ – Аллагъдихъ ялвар авун

квелей гьил къачун тлалабда, Ам Гъилкъачузвайди, Регъимлуди тушни мегер!».

Инал Аллагъ-Таалади Юсуф пайгъамбардинни адан рухвайрин уьмуьрдай са шикилдикай ихтилатзава. Рухвайри чпин бубадивай Аллагъдихъ ялвар авун тлалабзава. Гъа идаз тавассул лугъузза, яни чпин буба Юсуф пайгъамбардин арачивал аваз Аллагъдихъ элкъуьн. Эгер чна винидихъ тлар къурбуруз и аят делил яз гъайитла, абуру тавассул а касдал вичел чан аламаз авуна кянда ва ам вични къвалав гъаз хъана кянда лугъуз тестикъарзава.

Чун мад элкъвена Пайгъамбардин суннадал хуьквен. Дугъриданни вичин арачивал аваз тавассул ийизвай касдал чан аламаз ва ам вични къвалав гъаз хъана кянда?

Сад лагъайди, чаз суннадай гъич са гафни и кардин гъакъиндай гъатнач.

Къвед лагъайди, акси яз, суннадай чаз и кар акл туширди тестикъарзавай делилар гъатна. Ингъе мисал. Усман ибн Хунайфа ихътин са дуьшуьшдикай ихтилатзава. Са сеферда са кас вичин са игътияж гъаз Усман бин Аффанан патав атанай. Амма халифди адан тлалабуниз бегъем фикир ганачир. Экъечйна хъфидайла а касдал Усман ибн Хунайф гьалтна ва адаз шикаят

Тавассул – им маса касдин куьмекдалди, Аллагъдин Вичин гуьзел тлараралди ва я жуван хъсан амалралди Аллагъдихъ ялвар авун лагъай члал я. Месела: «Я Аллагъ, мергъяматлувилин Пайгъамбар Мугъаммадан куьмекдалди за Вавай тлалабзава» ва я «Ви гуьзел тлараралди чна Вавай тлалабзава...».

авуна. Ибн Хунайфа лагъанай: «Алад, тларарат къачу, ахпа мисклиндиз алад, ана кве рекъатдин кап! авуна ихътин тларабун ая: «Я Аллагъ! Регъимлувилин Пайгъамбар Мугъаммадан тлараралди за Вавай тлалабзава ва Вахъ элкъвезва. Я Мугъаммад! Ви тлараралди зун Аллагъдихъ элкъвезва, Ада зи тларабун кьилиз акъудун патал». Ахпа жуван тларабундикай лагъ». А касди Усман ибн Хунайфа меслят къалурайвал авуна, ахпа мад халифдин ракарихъ хъфена. Къаравушир ам гъасятда кюна халифдин патав тухвана. Ада ам вичин патав ацукъарна, мад сеферда адаз яб гана ва вичин рикелай адан тларабун алатнавайди лагъана. Герек атайтла мад сеферда вичин патав хтун эмирна. Къежел экъечлай а касдал мад сеферда Усман ибн Хунайф гьалт хъувуна. «Аллагъ валай рази хъурай, эгер вуна халифдивай зи паталай тларабначиртла, халифди зи кар кьилизни акъуддачир», - лагъанай ада. Ибн Хунайфа жаваб гана: «Аллагъдал кьин хъуй, заз акур халиф авач ва за ви паталай авур тларабунни авач. Амма зун ихътин са



Ас-Салам-фото

кардин шагъид хъана. Са сеферда Аллагъдин Пайгъамбардин патав вилер буьркъуь са кас атана, вичел еке

Гъадисрал машгъул алимири вирида винидихъ гъанвай гъадис гъакъикъиди тирди тестикъарзава.

Мад са мисал. Ибн Гъажар аль-Аскъалияниди вичин «Фатгъу-ль-Бари» ктабда Ибн Аби Шейбадилай атанвай 32002 нумрадин гъадис гъизва. Ана лагъанва: «Халиф Умар ибн аль-Хаттабан девирда са кас Пайгъамбардин сурал атана тларабна: «Я Аллагъдин Пайгъамбар! Жуван уьмет патал Марф тларабна, адал бедбахтвал атанва». Идалай гуьгуьниз адан патав ахварай са кас атана адаз лагъана: «Умаран патав алад, адаз саламар це ва Марф жедайдакай хабар це. Мадни Умараз лагъ, куй ада вичин патав Аллагъдикай кичле инсанар куйрай».

И гафар ван хъайи Умар кевиз шехъна, ахпа ада лагъана: «Я Аллагъ! За чаравал авачиз гъич садрани а кар авурди туш (яни акъулу, камаллу кас гъат тавурла, ахпа маса кас къазвай)». Мадни Ибн Гъажара кхъизва хъи, и гъадисда вичикай ихтилат физвай тларабай кас Пайгъамбардин асгъаб Билал ибн аль-Гъарис я. Гъа и манадин маса гъадисда ахварай акурди чи Мугъаммад Пайгъамбар я лугъузза.

Ибн Гъажар аль-Гъайтами шафиитрин мазгъабдин лап зурба алимирикай сад хъана. Ада вичин «Гъашиятю изагъ» ктабда ихътин гафар кхъизва: «Эгер дуьньядин вири алимирикай виш виридалайни хъсанди хъагъайтла, абурукай гъич садани тавассул къадагъа я лугъудач, анжах са шартлуналди – тларабзавай касдихъ дуьз иьтикъад аваз хъайитла, яни а кас гузвайди ва я къвалах тукълуьрзавайди арачи ваъ, Аллагъ вич тирдахъ инанмиш хъана кянда».

ИСЛАМДИН АЛИМАР

Агълу-с-Суннадин алимар

►1 Чун Къуръан атунин шагъидар тушир ва чаз Пайгъамбардин ☼ гафарин ванни хъайиди туш. ИкI хъайила, бес чаз Къуръандикайни Пайгъамбардин ☼ суннайрикай ганвай баянрикай гъикI чир хъун лазим я? И суал суфизм инкарзавай дуъз рекъелай алатнавайбурув вугайла, абуруз гъикI жаваб гудатлани чизвач. Амма абуру гъисабзава хъи, и кар патал туъквендиз фена Къуръандин таржума ва гъадисрин кватлалар маса къачун бес я.

Аламат я, и месэладикай ихтилат кудайла вучиз абур Пайгъамбардин ☼ суннадал бинеламиш жезвач ва анай суалдиз жавабни жагъурзавач? Вучиз лагъайтIа, гъавурда акъазва, эгер акI авуртIа, абурун ахмакъ рахунрикай, тахсир кутунрикай са затIни амукъдач.

Пайгъамбарди чаз са дегишвални квачиз къенин йикъаралди вичин чирвилер агакъардай рехъни, къайдаярни къалурна. Гъа идакай хабар гузвай гъадисар ахтармишай кас суфизм гъакъикъивал тирдан ва суфизм инкарзавай ксар дуъз рекъелай алатнавай-бур тирдан нетижадални къведа.

Идан гъакъиндай Пайгъамбардин гъадисда лугъузва: **"И чирвилер гуъгъунлай къвезвай гъар са несилдин арадай ихтибар ийиз жедай алибри агакъарда. Абуру къундармаяр ийизвай тапархъанар, чIурукIа баянар гузвайбур, дуъз тушир фикирар ийизвайбур чпин чкадал ацукъарда"** (Агъмада агакъарна).

Са несилдилай маса несилдал чирвилер агакъарзавайбур агълу суннадин алимар я.

Гъадисда ихтилат физвай чирвилерик сифте нубатда Къуръан, ахпани баянар, асгъабрин ва гуъгъунлай къвезвай алимин веревирдер, нетижаяр акатзава.

Имам Нававиди вичин "Тагъзибуль-асма" ктабда и гъадис гъизва ва лугъузва: **"И гъадисда чаз Пайгъамбарди ☼ хабар гузва хъи, чирвилер яргалди амукъда, чирвилер агакъарзавай инсанар ихтибар ийиз жедайбур я. Аллагъди мадни акI ийида хъи, гъар са асирда чирвилер агакъардай ва чIурувилер инкардай чпихъ ихтибар ийиз жедайбурукай тайин ксар пайда жеда ва чирвилерни квадаруниз рехъ гудач"**. Гъадисда ачухдиз лугъузва хъи, гъар са асирда чирвилер агакъарзавай ихтибарлу ксар жеда.

Шукур хъуй Аллагъдиз, гъа гъадисда лугъузвайвал хъунни авуна ва им виликамаз чир хъунин гъакъикъивилин лишанни я.

Ислам арадиз атай гъа сифте асиррилай мусурманри чирвилер сада-садаз гуни месэладиз зурба фикир гана. ИкI тахъана гъикI жедай къван, идан гъакъиндай Пайгъамбардини ☼ лагъанва: **"И чирвилер дин я ва квейкай гъар са кас чирвилер нивай къачузватIа гъадаз килиграй"**.

И гъадисдал амал авуналди, вири алимар анжах чпел ихтибар гъиз жедай ксаривай чирвилер къачуз алахъна.

Ахъайзавайвал, Ибн Сирина икI лагъаналда: "Абуру эвелдай иснаддикай хабар къунач, яни гъадисаяр агакъарзавай ксарин тIварарикай, ахпа гъулгъуладин вахтар алуқъайла, абуру лугъузвай - куъ инсанрин тIварар яхъ - эгер абурук агълу суннадик акатзавай-бур кваз хъайитIа, абурун гъадисар къачузвай, эгер абурук агълу бидъадин ксар кватIа, абурун гъадисар къачузвачир".

Ахъайзавайвал, Ибн Мубарака лагъаналда: "Иснад диндин пай я, эгер иснад хъаначиртIа, гъарда вичин къилиз вуч атайтIа гъам лугъудай".

Суфян ас-Савриди лагъана: "Иснад мусурмандин яракъ я, эгер адав яракъ гвачтIа, ада квелди женг чIугвада?" Алимар муаллимар хIагъунив дикъетдивди эгечIайвилай чавни Къуръанни сунна са дегишвални квачиз агакъна. Абурун алахъунралди ягъалмиш тирбуруз чирвилерик чIурувилер кутаз кIанзавай чалишмишвилерин вилик пад къуна. Алибри чирвилер агакъарзавай ихтибарлу касни ихтибарсуз кас чирдай сагъ са илим арадал гъанвай.

Инал суал арадал атун мумкин я - суфизмдихъ галаз абурун вуч алакъа ава?

Кар ана ава хъи, чирвилер агакъарзавай ихтибарлу ксарикай лап гзафбур суфияр тир. Идалайни гъейри, суфизм инкарзавай дуъз рекъелай алатнавайбурувай чпиз чирвилер гайибурун, сад-садан гуъгъуна авай са чIиргъ къванни гъиз жезвач, гъа са вахтунда абуру тIвар къурбурук гзаф суфияр жезва.

Араб уълквейра къиле физвай са форумдал суфизм инкарзавай дуъз рекъелай алатнавайбуруз ихътин суал гана: - эгер суфияр ягъалмиш хъанвайбур ва куън дуъз рекъел алайбур ятIа, квел Къуръанни гъадисар агакъарнавай ва куъ фикиррал алай (яни суфизм ягъалмишвал тирвилин) инсанрин ва гъакI суфияр квачир сад-садан гуъгъуна авай са чIиргъинин мисал хъайитIани гъваш. Абуру гъайи мисалрин сад-садан гуъгъуна авай чIиргъерик суфиярни кваз хъана.

Интернетдин форумра зани са шумудра суфияриз аксибурувай суфияр квачир чирвилер агакъарзавайбурун са чIиргъинин къванни тIвар къун истемишна, амма къедалди садани зи тIалабун къилиз акъуднач. Абуру чун дуъз рекъелай алатнавайбурай къун аламатдин кар туш, абуру чпив Къуръанни гъадисар агакъарнавай муаллимар ягъалмиш хъанвайбурай гъисабзава къван.

Суфизмдин лап пис душманрикай сад тир вагъабизмдин бине кутур Мугъаммад ибн Абду-ль-Вагъабаз суал гана: вун муаллимихъ галаз рейсад яз, ва я къилди жув-жуваз ви фикиррал атанани? Ада жаваб гана хъи,



Ас-Салам-фото

адан муаллимарни, абурун муаллимарни, та ругуд виш сан девирда, гзаф аллагъриз икрамзавайбур тир.

Гила и инсанрин ва Аллагъдин Векилдин ☼ гафар гекъига: **"И чирвилер гуъгъунлай къвезвай гъар са несилдин арадай анжах ихтибар ийиз жедай алибри агакъарда. Абуру къундармаяр ийизвай тапархъанар, чIурукIа баянар гузвайбур, дуъз тушир фикирар ийизвайбур чпин чкадал ацукъарда"**.

Чавай Аллагъдин Векилдин гафар шаклувилек кутаз жедач, гъикI лагъайтIа, гъадис гъакъикъиди я. Чаз амукъзавайди сад я, эгер а ксаривай чирвилер агакъарзавай чпин фикиррал алайбурун са чIиргъ мисал яз гъиз жезвачтIа, абур чеб ягъалмиш хъанвайбур я, гъакI масадбур ва маса терефдал алайбур хъиз.

Къе Ибн Абду-ль-Вагъабан рехъ давамарзавайбуру чпив чирвилер агакъарайбур вири ягъалмиш хъанвайбур яз гъисабуналди чеб клеве твазва. Абуру крар акI эцигиз алахъзава хъи, абурув чирвилер агакъарай алимар гъа чпин фикиррал алайбур тир ва абуруни суфизм ягъалмишвал тирди тестикъарна.

Месела, Ибн Абду-ль-Вагъабан рехъ давамарзавайбуру лугъузва хъи, Абуду-ль-Вагъаба тарсар къачур Мединада яшамаш жезвай а вахтарин лап машгъур алим Мугъаммад Гъаятни гъахътин фикиррал алайди тир. Гъелбетда, ихътин лугъунрихъ са гъакъикъивални авайди туш, абур гъакIан къундармаяр я.

Мугъаммад Гъаят суфий тир. Джабарутиди вичин "Аджайбу-ль-асар" ктабда хъизва хъи, Мугъаммад Гъаята накъшубандидин тIарикъатдин шейх тир Абду-Рагъман ас-Сакъафадивай тIарикъат къачуна. Ада хъенвай ктабрайни аквазва хъи, ам суфизмдихъ галаз алакъалу тир. Эгер къилди къачуртIа, ада тIвар-ван авай суфийрин шейхер тир Ибн АтIаилла ас-Скандеридин ва аль-Гъададан ктабриз баянар хъена.

Ибн Марзукъ Шафиди тестикъарзавайвал, машгъур алим Мугъаммад Гъаята виликамаз къатIанай, Ибн Абду-ль-Вагъаб ягъалмиш жеда ва ада масадбурни ягъалмишбурун жергейриз акъудда. Гъа икI жедайдакай маса машгъур алим Мугъаммад бин Сулейман аль-Курдидини лагъанай, Ибн Абду-ль-Вагъаба гъадан гъиликни кIелнай. Ада Ибн Абду-ль-Вагъабан ягъалмишвилер инкарзавай ктабни

кхъенай. Гъатта Ибн Абду-ль-Вагъабан дахдини ада инсанар ягъалмишвиле твадайдакай лагъанай.

Агълу суннадин машгъур алирикай ктабар кIелдайла чаз аквазва хъи, муаллимри чпин мутааллимрин (ученикрин) тарифзава ва абурни чпин муаллимрив еке гуъурметдивди эгечIзава.

Чна мисалар яз гъизвай гъадисрин анжах гъакI хъана кIанзавайди успатзава эхир. Амма чун вагъабитрин сектадин бинедардин биография дериндай чириз алахъайла, аквазва хъи, ана вири терсеба я. Ада вичин гуъгъуна гъат тавур вири муаллимарни, мусурманарни ва вичиз тарсар гайи муаллимарни ягъалмиш хъанвайбур яз гъисабзава. Гъайиф хъи, Ибн Абду-ль-Вагъабни ва адан гуъгъуна аваз фейибурни Пайгъамбарди ☼ вичин гъадисда лагъанвай алибривай лап яргъа я.

И са гъвечли макъалада чавай и важиблу тема тамамвилелди ачухариз жедач, амма чав Къуръан ва гъадисар гъикI агакъайди ятIа гъадакай лугъун патал са шумуд мисал гъида. Къуръандиз талуқъ яз лугъуз жеда хъи, ам агакъарунин сад-садан гуъгъунавай чIиргъер Гъижрадин гъисабунралди 9-10 асирра яшамаш хъайи агълу суннадин чIехи алим Закария аль-Ансаридал ацалтзава.

Диндик хъсан чIийивилер кухтур чIехи алим яз гъисабзавай ам исламдин алемдин зурба алимар тир Ибн Гъаджар Гъайтамидин, Шаъранидин, ар-Рамилидин ва масабун муаллим хъайиди я. А девирда фикъгъдай ам хътин чIехи ва авторитет авай маса алим авачир. Ибн Гъаджар Гъайтамиди адакай икI лагъана: "Ам зи вилериз акур виридалайни чIехи алимирикай сад я..."

Къуръан кIелун ва кхъинар къачун патал адан патав исламдин вири алемдай алимар физвай. Ам 102 йисуз яшамаш хъана ва ада Къуръан агакъарзавай чIиргъинин мензилни лап куъруъди хъана. Ам суфий тир ва ада суфизмдикай кхъенвай ктабарни ава. Суфий тушир алим ада винел чIем алачир шткардив гекъиззава.

Гъадисрикай рахун хъайитIа, эгер чна виридалайни гегъенш хъанвай гъадисрин "Сагъигъ Бухари" ва "Сагъигъ Муслим" ктабар къачун хъайитIа, малум жезва хъи, чав абур суфийрин куъмекдалди агакънавайди я. Эгер чун имам Нававиди "Сагъигъ Муслим" ктабдиз кхъена ганвай баянриз тамашайтIа, аквада хъи, вичелай вилик чирвилер агакъарзавайбурун тIварар тикраунихъ галаз ада хейлин суфийрин тIварарни къунва. Навави вични суфий тир.

ГъакI гъадисрин ва гъадисриз баянар ганвай кватлалар акъуднавай ксарни я суфияр, я суфизмдив хъсандиз эгечIзавай ксар тир. И кардин патухъай шагъидвалзавай делиларни кIамай къван жагъуриз жеда. И крарилай гуъгъуниз, де лагъ, суфизм гъикI инкар ийиз жеда? Адан тереф мусурман уъмметдин лап хъсан ва лайихлу векилри хвена. Абурун куъмекдалди Аллагъди чи йикъаралди са дегишвални квачиз Къуръанни ва Пайгъамбардин ☼ гъадисарни хвена ва чал агакъарни авуна.

ФАЛЧИДИН ПАТАВ ФЕНА, АДАВАЙ СА ВУЧ ЯТІАНИ ХАБАР КЪУНА ВА АДАН ЧІАЛАХЪ ХЪАЙИ КАСДИН КУПІАР АЛЛАГЪДИ ЯХЦІУР ЮКЪУЗ КЪАБУЛДАЧ

Гъадис

Исламдин къадагъаяр

Исламда фалчивал

Мусурманар адатмишунин технологияр

2 « Сада-садаз меслят къалурзавай фалчийрин клиентрин списокар лагъайтла, са шумуд йикъан виликамаз ацузва. Абуру йикъа 12 кас къабулзава, абурун къиметарни 4-7 агъзур манат я. Москвада гъар юкъуз 27 агъзур кас алцурарзава, гъарамзадайрин жибинра лагъайтла, 10-далай 3 агъзур доллардив агакна пул ацукъазва.

Виридалайни гзаф къвалахзавай фалчийр, чкъанвай хизанар туькьур хъийида, къанибур элкъурна хкида, «пуд лагъай артуханди» виликай къакъудда лугъуз клиентриз заминвалзавайбур я. Абурукай гзафбурун къилив фин патал виликамаз твар хъизва.

Са гъихътин ятлани гъетрен таъсирдин члалахъ хъана, Аллагъ-Тааладин зурбавал инкарзавай кас, динсузвилиз аватзава. Гороскоприн ва астрологрин члалахъ хъуни инсанар гъа ихътин хаталувилел гъизва

Абурун къилин клиентар пулар квайбур, иллаки карчийрин папар я. Чпин гъуьлер хизанда кун патал абуруз гъич пулуни гъайифни къевзвач.

Тапаррин индустрия телевиденидивни агакнава. Ингъе ТНТ каналдай фадлай «Битва экстрасенсов» твар ганвай передача гузва, вири уьлкведай тапарчийр къватл хъана чпи-чеб килигдай ксар я лугъуз экъечлзава. И тамашадин амалдарвал аквазвай тамашачийри а канал хкудна хийирлу са маса передачади килигдайдак умуд кутазава.

Анжах са кардай къил акъатзвач, вучиз а килигдай ксари милициядин къуллугъчийриз вири бандитар ва инсанар рекъизайбур къаз куьмек гузвач? Белки гъа члавуз гъукматдин вири силисчийр къвалах авачиз амукъдай жеди.



Ас-Салам-фото

Ибрагъим ИБРАГЪИМОВ

Ислам неинки фалчийриз, гъакл абурун патав физвайбуруз, абурун тапаррин члалахъ жезвайбуруз акси я.

Мугъаммад Пайгъамбарди

лагъана: «Фалчидин патав фена, адавай са вуч ятлани хабар къуна ва адан члалахъ хъайи касдин дубаяр Аллагъди яхцур юкъуз къабулдач» (Бухари).

Пак гъадисди чаз лугъузвайвал, имандин ругуд лагъай шартл къадаркъисметдихъ инанмиш хъун я. Ам вуч затл я? Ам Аллагъ-Таалади Вичин хушуналди халкъ авуня. Мусурмандин вичин къисметдикай хабар кун кутугнавач. Ам артухан деринриз гъахъ тавуна, вичин къисметдал рази хъана, яшамиш хъана къанда. Пайгъамбарди лагъанва: «Къадаркъисметдикай ихтилат кватай члавуз кун кисна акъваз».

Чи девирдин бедбахтвал ам я хъи, бязи мусурманриз и кардиз гъавурда гъатиз къанзавач, абуру фалчийрин, тапарчийрин патав физва. Са тлимил хъайитлани вичин диндихъ рикл кузвай мусурман абурувай «куьмек» тлаабиз фена къандач.

Сад лагъайди, фал вегин шейтандин мурдар крарикай сад я, а кардикай чаз Пак Къуръанда Аллагъ-Таалади лугъузва (мана): «Я инанмиш ксар! Гъакъикъатда чехир, гъевеслу къугъунар, бутар, хъелералди фал вегин шейтандин мурдар крарикай я. Абурукай яргъа хъухъ» («аль-Маидат» суьре, 90-аят).

Къвед лагъайди, фалчийр чеб динсузар я, абурукай Пайгъамбардин пак гъадисда лугъузва: «Чпиз виликамаз къадар-къисмет чизвайбур я лугъуз, фал вегизвайбур, куфрдиз аватзава». А тапарчийр динсузар тирди чир хъайидалай гъугъуьниз абурун патав гъикл фин хъийизва?

Фал вегинин хаталувилел гъавурда гъат тавунвайбур патал мад са гъадис гъизва. Са сеферда Пайгъамбардин патав, ам ахтармишун патал ксар атана. Абуру гъиле са вуч ятлани чуьнуьхарна ва ам вуч я лугъуз хабар къуна. Мугъаммад Пайгъамбарди абуруз жаваб гана: «Зун фалчи туш ва фал вегинални машгул туш. Фалчийрин чка цай я».

Алай девирда гороскопар ва астрология гзаф машгур хъанва, абурун бинени фал вегин я. Телевиденидай ва радиолай, газетрай ва журналрай гъа жуьреда инсанрикай тапарарзава. Месела, астрологрин гафарай, са гъи ятлани гъед чкадилай югъвайтла, са касдин уьмуьрда са гъихътин ятлани вакъиа

Фалчийрин члалахъ хъун дубъз яни?

Исламди вуч лугъузва



Ас-Салам-фото

арадал къведа. Гъа члавуз исламдикай яргъа тир касди Аллагъ-Тааладин зурбавал риклелай алудна, вичиз таъсир ийизвайди гъа гъед я лугъуз фикирзава. Нетихада касди гъетревай писвал ва я хъсанвал гъуьзлемишда, Аллагъ-Тааладин зурбавили-

инкарзавай кас, динсузвилиз аватзава. Гороскоприн ва астрологрин члалахъ хъуни инсанар гъа ихътин хаталувилел гъизва.

Ахмакърин пулар незвай гъарамзадайри гзаф информацияр чпи чпелай туькьурзава, масабуруз

Чпиз виликамаз къадар-къисмет чизвайбур я лугъуз, фал вегизвайбур, куфрдиз аватзава

кай лагъайтла, ам ерли риклелай алатда. Авам ва илим гвай ксарин арада авай тафаватлувал ам я хъи, авам касдин акъул гъа аквазвай себебдал къван я (месела, рагъ акурла ада ам экв гун паталди я лагъана фикирзава, экв гун патал ам ни халкънавайди я лугъун адан къилизни къведач), варлу касди лагъайтла а себебар вири Аллагъ-Таалади халкънавайбур я лугъуда (яни экв гун паталди я лагъана фикирзава, экв гун патал ам ни халкънавайди я лугъун адан къилизни къведач), варлу касди лагъайтла а себебар вири Аллагъ-Таалади халкънавайбур я лугъуда (яни экв гун паталди я лагъана фикирзава, экв гун патал ам ни халкънавайди я лугъун адан къилизни къведач).

Вичин акъул гъа ихътин себебралди сергъятламиш хъанвай инсан карандашдал хъизвай чарцел эцигнавай цвекрез тешпигъ гъиз жезва. Цвекрез аквазвайди гъа хъизвай карандаш я, адан фикир гъа карандашдал къван я, амма адаз карандаш къуна хъизвай гъил аквазвач.

Фикир карандашдал къван акъваз хъанвай цвекрен хъиз, гороскоприн члалахъ жезвай ксарин акъулни гъа гъетерал къван я, а гъетер алай чкадилай югъурзавайди вуж ятла абурун риклелай алатзава. Са гъихътин ятлани гъетрен таъсирдин члалахъ хъана, Аллагъ-Тааладин зурбавал

лагъайтла, абуру инсандин душман тир шейтандилай къевзва, ада инсанар гъи жуьреда хъайитлани дубъз рекъелай алудиз алахъда. Инсанар гъарамзададин ва шейтандин уюндик акатай гзаф вакъияяр гъиз жеда.

Са касдин хиперин сагъ суьруь чуьнуьхна. Вуч ийидатла тейижиз хажалатди къунвай чубан, вичин суьруь жагъурунин ва къачагъдиз жаза гунин ният аваз фалчидин патав фена. Фалчиди адаз са гъи ятлани чуьлда къачагъ ви хиперни гваз ава лугъуда. Ажугълу чубан гъерекатна гъарамзадади къалурай чкадиз фена.

Гъакъикъатда адаз гъа къалурай чкадал суьруь алаз ва адан къвалани са кас гваз акуна. Гъич са гафни хабарни кун тавуна ам адал тепилмиш хъана ва къена. Суьруьдин мукъув агатна килигай члавуз адаз акуна хъи, суьруь вичинди туш, къенвай касни къачагъ туш гъа вич хътин чубан я, гъалал зегъметдалди вичиз са тике фу незвай.

Аллагъди чаз дубъз рекъел акъваздай куьмек гурай! Амин.

ЭДЕБИЯТ

Сиражудин РАСУЛОВ,
Къурагъ район, Куквазрин хуър

ГАЗЕТ КХЪИХЪ

Ярагъидин гуъзел Ватан,
Аялдизни чира Къуръан,
Тахъуй адак зере нукъсан,
Газет кхъихъ, я лезгиар!

«Ассалам» туш, берекат я,
Валлагъ дустар, гъакъикъат я,
Ам кхъиниз гъереката,
Газет кхъихъ, я лезгиар!

Я гъурметлу мусурман халкъ,
Ислам динни галаз хъуй чахъ,
Аллагъ Сад я –
Пайгъамбар ﷺ гъахъ,
Газет кхъихъ, я лезгиар!

Пайгъамбарди ﷺ къалурай рехъ,
Я мусурман, ам къевиз яхъ,
«Къулгъу»,
«Алгъам» къелиз алахъ,
Газет кхъихъ, я лезгиар!

Газет туша - Исламдин чил,
Къелай касдин ацуда къил,
Михъи жеда гунагърин гъил,
Газет кхъихъ, я лезгиар!

Чур хъанавай гъар са инсан,
«Ассалам» къе я ви дарман,
Валлагъ, садни жедач пашман,
Газет кхъихъ, я лезгиар!

Адахъ авач акъван къимет,
Сад Аллагъдиз ая гъурмет,
Чан аламаз къачу Женнет,
Газет кхъихъ, я лезгиар!

Вуч гуъзел я вун, «Ассалам»,
Сираждинан я ваз салам,
Риклиз къанда михъи инсан,
Газет кхъихъ, я лезгиар!

ЦИЙИ ЙИС
МУБАРАКРАЙ!

Ярагъидин лезги несил,
Я Сад Аллагъ, тахъуй сефил,
Риклиз хуш я зи лезги чил,
Квез цийи йис мубаракрай!

Авадан хъуй чи лезги халкъ,
Къегъал хваяр галаз хъуй чахъ,
Ахтармишна батлунни-гъахъ,
Квез цийи йис мубаракрай!

Сада-садаз ая гъурмет,
Фугъарадиз ямир тикъет,
Исламди квез гуда къимет,
Квез цийи йис мубаракрай!

Им дуънья я са вад йикъан,
Риклел гъана чи Лезгистан,
Хатур хамир стха-вахан,
Квез цийи йис мубаракрай!

Я гъурметлу зи лезги халкъ,
Чехи Аллагъ галаз хъуй чахъ,
Бубайрин ирс лап къевиз яхъ,
Квез цийи йис мубаракрай!

Дидейрин нек гъалал хъуй квез,
Хайи диде куъ риклел къвез,

Цийи йисуз берекат жез,
Квез цийи йис мубаракрай!

Къе Дуъньядиз вегъена вил,
Къуънерал жез акъулла къил,
Сагърай дустар – чи лезги чил,
Квез цийи йис мубаракрай!

Вагъуф буба, Шейх Рамазан,
Ярагъи я чи Лезгистан,
Шейх Агъмадан Гелхен Ватан,
Квез цийи йис мубаракрай!

Фана Дуънья дар тахъуй квез,
Гъар са къвале мехъер, мел жез,
Сад Аллагъни куъ риклел къвез,
Квез цийи йис мубаракрай!

Сираждинан салам я квез,
Гъар са касдин виш йисар жез,
Ягъни намус куъ мецел къвез,
Квез цийи йис мубаракрай!

КЪУРБАД СУВАР

Къурбанд ая са хебни мал,
Риклел гъана Женнетдин гъал,
Эхиратда тахъурай къал,
Квез Къурбандар мубаракрай!

Им Дуънья я са вад йикъан,
Къурбанд ая эхират къан,
Къулгъу, Важжагът къелиз жуван,
Квез Къурбандар мубаракрай!

Ирид къвализ це берекат,
Аллагъди квез гурай такъат,
Пайгъамбарди ﷺ квез тур савкъат,
Квез Къурбандар мубаракрай!

Салам-калам гъана мецел,
Къе факъирар тамир къацел,
Чехи Аллагъ алаз къилел,
Квез Къурбандар мубаракрай!

Къуръандавай гъар са аят,
Гъар са касдиз михъи ниат,
Къурбанддалай гъиз салават,
Квез Къурбандар мубаракрай!

Куъ Къурбандар сувабар хъуй,
Квез Аллагъди берекат гуй,
Квел дуъшуъшни-бала татуй,
Квез Къурбандар мубаракрай!

Сад Аллагъдин Вичин къадар,
Экуъ Дуънья тахъуй квез дар,
Вилик фена куъ гъар са кар,
Квез Къурбандар мубаракрай!

Исламдивай жемир къерех,
Пайгъамбардиз ﷺ акъатай гъекъ,
Ислам диндин къевиз яхъ рехъ,
Квез Къурбандар мубаракрай!

Сираждинан салам я квез,
Къегъал хваяр къвачел къекъвез,
Вахт атайла Къурбандар жез,
Квез Къурбандар мубаракрай!

ГЪАЖ МУБАРАК!

Гъаждал физвай къегъал инсан,
Сад Аллагъдиз жеда масан,
Квахъда вири – гунагъ, нукъсан,
Мусурман, ваз гъаж мубарак!

Карвансара Дуънья я им,
Кябедал фин хъурай квез чим,
Пайгъамбарди ﷺ туъкълуррай ким,
Мусурман, ваз гъаж мубарак!

Къуръандавай гъар са аят,
Къела къегъал, жемир галат,
Гъаждал физ хъай гъавалат,
Мусурман, ваз гъаж мубарак!

Аквада квез Арафат дагъ,
Риклел къведа Женнетдин багъ,
Эхиратда къилел жез рагъ,
Мусурман, ваз гъаж мубарак!

Я Къурбанд хъай Меккедин къван,
Пайгъамбардиз ﷺ хъанай вун къан,
Ислам диндал фад гъайи чан,
Мусурман, ваз гъаж мубарак!

Гъил кутурла ченед къаник,
Фана Дуънья къвазда вилик,
Вири амаз фида чилик,
Мусурман, ваз гъаж мубарак!

Ислам диндин къацу пайдах,
Гъарда вичин дин къиле твах,
Гъар са миллет стха яз яхъ,
Мусурман, ваз гъаж мубарак!

Мусурман, ваз къан хъухъ Ватан,
Ватан патал эцигиз чан,
Меккедиз фин хъухъ риклиз къан,
Мусурман, ваз гъаж мубарак!

Сад Аллагъдин пак тир Къуръан,
Вуч ширин я мисклинра ван,
Риклел гъана Кябедин къван,
Мусурман, ваз гъаж мубарак!


Сираждинан хуър я Кукваз,
Заз имамар къанда акваз,
Кябедивай жемир яргъаз,
Мусурман, ваз гъаж мубарак!

ЛЕЗГИ ХАЛКЪ

Я аз къани зи лезги халкъ,
Къап-къеатун галаз хъуй чахъ,
Хатир хамир – куъне куъ яхъ,
Я гъурметлу зи лезги халкъ!

Къилел алаз лезги бермек,
Къулгъу, Важжагъту къанда мецел,
Куъ эхират тахъуй гъелек,
Я гъурметлу зи лезги халкъ!

Ислам диндин къацу пайдах,
Ислягъвилел ам гъиле яхъ,



Чехи Аллагъ галаз хъуй чахъ,
Я гъурметлу зи лезги халкъ!

Эхиратдин Дуънья я им,
Альгъамдуни хъурай квез чим,
Рахадайвал Женнетдин сим,
Я гъурметлу зи лезги халкъ!

Къе сад-садал жемир пехил,
Риклел гъваша чи Шейх Желил,
Берекатлу хъуй лезги чил,
Я гъурметлу зи лезги халкъ!

Къе сад-садал жемир пехил,
Экъечайтла никле техил,
Къени хъурай чи лезги чил,
Я гъурметлу зи лезги халкъ!

Сираждин вун фенач яргъаз,
Ваз лезги халкъ къанда акваз,
Чехи Аллагъ чи къилеллаз,
Я гъурметлу зи лезги халкъ!

МАД И ДУЪНЬЯ
НИЗ АКВАДА!

Карвансара Дуънья я им,
Эхиратда рахадай сим,
Къап-къеатив къени ая ким,
Мад и Дуънья низ аквада!

Сада-садаз гуз вач салам,
Чира жуваз Къулгъу-Калам,
Къе Женнетдиз къачува кам,
Мад и Дуънья низ аквада!

Гъажи буба, Вагъуф буба,
Велияр тир еке зурба,
Хпеж Къурбан ви твар ама,
Мад и Дуънья низ аквада!

Амач инсан ваз ширин мез,
Агъа Дуънья риклел текъвез,
Мисклиндин рак рикле тежез,
Мад и Дуънья низ аквада!

Адам, Гъава – диде-буба,
Чуру къвалах ая туба,
Пайгъамбардиз ﷺ хъухъа мукъва,
Мад и Дуънья низ аквада!

Фугъарадиз ая куъмек,
Аквадайвал Женнетдин экв,
Сурун суал тахъуй гъелек,
Мад и Дуънья низ аквада!

Ишелни хвал вад метри хун,
Валлагъ, фида Дуъньядай вун,
Тамир жуван риклел бархун,
Мад и Дуънья низ аквада!

Гъарда вичиз лугъумир хан,
Фугъараяр хъурай квез къан,
Япара хъуй азандин ван,
Мад и Дуънья низ аквада!

Шейх Агъмадаз акур ахвар,
Чи къилел къведай къвалахар,
Дуънья, дуънья –
вилин накъвар,
Мад и Дуънья низ аквада!

Сираждиназ къанда Ватан,
Ватан патал эцигиз чан,
Чехи Аллагъ я пара къан,
Мад и Дуънья низ аквада!

ИЛИМ ХАЗИНА, АДАН КУЪЛЕГАРНИ ГУЗВАЙ СУАЛАР ВА АБУРУКАЙ ХКУДЗАВАЙ МЕНФЯТ Я

ГЪЯДИС

СУАЛ-ЖАВАБ

Келзавайбурун суалриз жавабар ДИУ-дин преподаватель Ашиков Мегьамедрасула гузва

КапI ийидайла итинди кылел алукулун чарасуз яни?

– Мумкинвал аваз-аваз капI ийидай чIавуз итинди кылел алукул тавун карагъат я, амма ам алукулун ферз туш. Суннатрал амал тавуна тамамарай куплунай сувабар тIимил къвезва. Неинки куплунал ва гьакI амай чIавузни кылел алукулун хъсан кар яз гьисабзава.

Масадан куьмек галачиз Ислам къабулдай ихтияр авани?

– Ава. Эгер мусурман тушир касдиз Исламкъабулиз клан хъайитIа, адаз калима шагъадат гъун бес жезва, яни Аллагъ тек тирдахъ, ва анжах Гъадаз ибадат авуна кланзавайдахъ ва Мугъаммад Адан Пайгъамбар тирдахъ инанмиш хъана кланда. Калима шагъадатдин гафар икI гъизва: **«Ашгъаду алла илагъа иллаЛлагъ ва ашгъаду анна Мугъаммадан Расулуллагъ»**

Амма дуьз мусурман хъун патал а касдиз Исламдикай са къадар чирвилер хъана кланда, а чирвилер адавай ктабрай къачуртIани жеда, амма абур чидай касдивай къачуртIа хъсан я.

КIвалахал дишегълийрин арада ва гьакI кIвале аялрин ва итимдин вилик дишегълидиз кылелай хутлундай ихтияр авани?

– Эгер кIвалахал алайбур вири дишегълийр яз хъайитIа, гьа кIвале хъиз, квез кылелай хутлундай ихтияр ава. Амма ам Аллагъдин вилик эдебсуз кар жезва. Мадни лагъанва хъи, дишегълидин чIар аквазвай кIвалез малаикар къведач.



Туба шумуд сеферда авуртIа хъсан я?

– Туба (истигъ-фар) мусурмандин хъсан крарикай сад я, ахътин кракихъ сергъят авайди туш. Туба мукъвал-мукъвал авуртIа хъсан я. Яни инсанди гъамиша вич Аллагъдин вилик тахсирлу тирди гьиссна кланда, гунагъклар тавуртIани туба авуна кланда, гьикI лагъайтIа, чаз чизвай гунагърилай течизвайбур гзаф ава.

Туба авуниз виридалайни хъсан вахт-рагъ экъечIдалди вилик я.

Фасикъдихъ гъи хътин лишанар ава?

– Фасикъ – им вич Аллагъдихъ инанмиш яз, амма диндин рехъ кыле тухун тийизвай, имандин шартIарал амал тийизвай кас я. Фасикъ Аллагъди эцигнавай сергъатрилай элясзавай кас я. Адан лишанар ибур я: Аллагъдин истемешунар кылиз акъуд тавун, себеб авачиз ферзерикай сад кылиз акъуд тавун, къадагъа крар авун ва м.с.б.

Сурарин кьерехдал далда авуна гъаник кьейибуруз «Ясин» кIелайтIа жедани?

– Далдадик кьейибур патал Къуръан кIелун суваб авай кар я.

Къуръан кIелунай кьейи касдиз сувабар атун патал, Аллагъдиамадазагакъарунин ният аваз дуьа авуна кланда. Аллагъдиз клан хъайитIа,

Къуръан гъина кIелайтIани, кьенвай касдиз сувабар къведа. Кьенвай касдин сурун кылихъ кIелайтIа хъсан я, гьикI лагъайтIа, Къуръан кIелзавай чкадал Аллагъди берекатар ракъурзава.

Эгер а чардахъ къулайвал патал гьакI вахтуналди эцигнавайди яз хъайитIа, къадагъа туш.

Артухан харжияр тавуна чардахар эциг тавуртIа хъсан я.

Рузнама


январь

дни	утрен.	восх.	обе-денный	после-обед.	вечерн.	ночн.
1	5.31	7.16	12.00	14.08	16.28	18.02
2	5.31	7.16	12.00	14.09	16.29	18.03
4	5.31	7.16	12.00	14.11	16.32	18.04
6	5.31	7.16	12.00	14.13	16.33	18.06
8	5.31	7.16	12.00	14.14	16.34	18.08
10	5.31	7.16	12.00	14.16	16.36	18.09
12	5.31	7.16	12.00	14.18	16.38	18.11
14	5.31	7.16	12.00	14.20	16.41	18.13
16	5.31	7.14	12.00	14.21	16.43	18.14
18	5.31	7.13	12.00	14.24	16.46	18.17
20	5.30	7.12	12.00	14.26	16.49	18.19
22	5.28	7.09	12.00	14.28	16.51	18.20
24	5.27	7.08	12.00	14.30	16.54	18.22
26	5.26	7.06	12.00	14.32	16.56	18.23
28	5.25	7.05	12.00	14.34	16.57	18.26
30	5.24	7.03	12.00	14.36	17.01	18.27

Гъурметлу газет кIелзавайбур!

Гила куь суалар, теклифар редакциядиз SMS-рин куьмекдалди 8 903 424 56 35 нумрадиз ракъуриз жедайди чна куь рикIел хкизва.

НУМРАДИЗ ЧАР



Лезги чIалал акъатзавай «Ассалам» газетдин редактордиз

Гъурметлу редакция! Хсуси пулдин такъатар тахъуниз килигна чна квевай чи мискIин патал лезги ва гьакI урус чIаларалди акъатзавай «Ассалам» газет подписка авун тIалабзава.

Саламралди – Хив райондин АрхитIрин мискIиндин имам Кюре-бег Къухмазов.

Редакциядин патай:

Гъурметлу Кюре-бег Къухмазов! Куь мискIин патал 5 экземпляр лезги чIалал ва 5 экземпляр урус чIалал акъатзавай «Ассалам» газетар редакцияди вичин патай подписка авунвайдан гьакъиндай Куьн хабардар ийизва. Газетар Квев Хив районда авай «Ассалам» газетдин векилди агакъарда.

Ас-Салам-фото



ПОДПИСКА-2008

Гъурметлу стхаяр ва вахар!

2008-йис патал подписка эгечIна кыле физва. Лезги чIалал акъатзавай "Ассалам" газет квевай почтунин отделенийра, районар кIвалахзавай чи векилралди ва я редакцияда кхъиз жеда.

Йисан кьимет: 165 манат.

Индекс 51395

Гъурметлу мусурманар, "Ассалам" газет кхъиз рикIелай алудмир!

Учредитель
Благотворительный фонд "Путь".
Газета печатается по согласованию и одобрению Духовного управления мусульман Дагестана

Редактор
Зулейха ХАНМЕГЪАМЕДОВА

Канонический редактор
Шамиль ОМАРОВ

Верстка
Асият ХАНОВА

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону) – свидетельство о регистрации ПИ № ФС 10-6401 от 15 декабря 2006 г.

Индекс 51325

При перепечатке ссылка обязательна
Газета набрана и сверстана на компьютерной базе «Ас-салам»

Отпечатана в ООО «Дом печати» пр. Акушинского, 20 Заказ № _____

Сдано в печать 12 января 2009 г.

Тираж 2000 экз.
Адрес редакции:
367015 РД, г. Махачкала, ул. М. Ярагского, 128

Телефон: (8722) 61-00-64

E-mail: info@assalam.ru
web: www.assalam.ru